

Էդմոն Մարության

Ծնվել է 1981թ. հունվարի 13-ին Վանաձորում:

Կրթություն՝

- 2002թ. Մոսկվայի կոմերցիայի և իրավունքի ինստիտուտի իրավագիտության ֆակուլտետ, իրավագիտության բակալավր,
- 2006թ. Վարշավայի մարդու իրավունքների բարձրագույն դասընթաց, Մարդու իրավունքների և շահերի պաշտպանության մասնագետի որակավորում,
- 2007թ. ՀՀ պետական կառավարման ակադեմիա, իրավագիտության մագիստրատուրա, իրավագիտության մագիստրոսի աստիճան,
- 2010թ. Մինեսոտայի համալսարանի իրավաբանական դպրոց, Մարդու իրավունքների և միջազգային իրավունքի մագիստրոս (ԱՄՆ),
- 2009-2010թթ. Մինեսոտայի համալսարան, Humphrey Fellowship ծրագրի շրջանավարտ (ԱՄՆ),
- 2013թ. «John Smith Trust» հիմնադրամի շրջանավարտ (Միացյալ Թագավորություն),
- 2016թ. Ստենֆորդի համալսարան, Դրեյփլըր Հիլզի ժողովրդավարության ու զարգացմանը նվիրված ծրագրի շրջանավարտ (ԱՄՆ),
- 2017թ. Միջազգային առաջնորդության ծրագրի շրջանավարտ (Միացյալ Թագավորություն):

Աշխատանքային գործունեություն՝

2001 թվականից սկսած մասնագիտացել է մարդու իրավունքների պաշտպանությամբ և ներգրավվել է ՀՀ-ում ժողովրդավարությունն ամրապնդելու և քաղաքացիական հասարակությունը կայացնելու գործում:

2001-2003թթ. «Մեդիա Գրուպ» լրատվական ՀԿ իրավաբանական բաժնի ղեկավար:

2005թ. ՀՀ ոստիկանության ձերբակալված անձանց պահելու վայրերում վերահսկողություն իրականացնող հասարակական դիտորդական խմբի անդամ, 2006թ. ընտրվել է խմբի նախագահ:

2005-2012թթ. անդամակցել է ՀՀ արդարադատության նախարարության քրեակատարողական հիմնարկներում և մարմիններում հասարակական վերահսկողություն իրականացնող դիտորդական խմբին:

Մարդու իրավունքների մասնագիտացմամբ փաստաբան է՝ սկսած 2008թ. և «Ռազմավարական դատավարությունների կենտրոն» իրավապաշտպան ՀԿ նախագահ՝ 2010թ.-ից: Աշխատել է որպես իրավախորհրդատու՝ պաշտպանելով քաղաքացիներին դատարանում, վարել ռազմավարական դատավարություններ ինչպես ներպետական ատյաններում, այնպես էլ Մարդու իրավունքների եվրոպական դատարանում:

2010-2012թթ. «Human Rights Watch» միջազգային իրավապաշտպան կազմակերպության ազգային փորձագետ:

2012-2021թթ. ՀՀ ԱԺ 5-րդ և 6-րդ գումարման պատգամավոր, 7-րդ գումարման ԱԺ «Լուսավոր Հայաստան» խմբակցության ղեկավար:

2015թ.-ից «Լուսավոր Հայաստան» կուսակցության կառավարման խորհրդի նախագահ:

Խորհրդարանական աշխատանքի տարիներին եղել է ՀՀ ԱԺ հետևյալ մշտական հանձնաժողովների, ինչպես նաև միջխորհրդարանական կառույցների անդամ՝

- 2012-2017թթ. (5-րդ գումարման ԱԺ)՝ Պետական-իրավական հարցերի, Մարդու իրավունքների պաշտպանության և հանրային հարցերի, Արտաքին հարաբերությունների, Պաշտպանության, ազգային անվտանգության և ներքին գործերի մշտական հանձնաժողովների, ինչպես նաև Արևելյան գործընկերության ԽՎ («Եվրանեսթ»), Հայաստան-ԵՄ խորհրդարանական համագործակցության հանձնաժողովի անդամ,
- 2017-2019թթ. (6-րդ գումարման ԱԺ)՝ Պետական-իրավական և մարդու իրավունքների պաշտպանության հարցերի մշտական հանձնաժողովի, ինչպես նաև Հայաստան-ԵՄ խորհրդարանական համագործակցության հանձնաժողովի, ՆԱՏՕ-ի ԽՎ անդամ.
- 2020-2021թթ. (7-րդ գումարման ԱԺ)՝ Արտաքին հարաբերությունների մշտական հանձնաժողովի անդամ:

2018-2021թթ. պատվիրակության կազմում Հայաստանը ներկայացրել է ԵԽԽՎ-ում: Անդամակցել է ԵԽԽՎ հետևյալ հանձնաժողովներին՝

- Մարդու իրավունքների և իրավական հարցերով հանձնաժողով (հանձնաժողովի նախագահի առաջին տեղակալ),
- Մարդու իրավունքների եվրոպական դատարանի դատավորների ընտրության հարցերով հանձնաժողովի անդամ,
- ԵԽ անդամ պետությունների պարտականությունների և պարտավորությունների կատարման (Մոնիթորինգի) հանձնաժողովի անդամ,
- Հավասարության և խտրականության արգելքի հանձնաժողովի անդամ:

2021 թվականի դեկտեմբերի 17-ից ներգրավված է ՀՀ վարչապետի որոշմամբ ստեղծված սահմանադրական բարեփոխումների խորհրդի կազմում:

Այլ տեղեկություններ՝

1999-2001թթ. ծառայել է ՀՀ զինված ուժերում:

Գիտական մի շարք հոդվածների, վերլուծական ձեռնարկների և մարդու իրավունքների վերաբերյալ զեկույցների հեղինակ և համահեղինակ է:

Օտար լեզուների իմացություն՝

ռուսերեն, անգլերեն:

Ընտանեկան կարգավիճակ՝

ամուսնացած է, ունի երկու որդի և մեկ դուստր: